

李泰伯先

生全集

家塾

藏板

李泰伯先

生全集

家塾

藏板

宋泰伯公文集序

鰲生也晚相距吾泰伯公二十有四
世初幸里居如故版籍猶舊撫今追
昔尚無間然無何桑滄易矣公生平
所遺著述彙爲文集若干卷昔藻鑑
于先正今燬滅于兵燹昔梓藏于府

庫今散逸于烟草搜遺卷而徬徨能
無今昔之感乎哉久欲與同志續鐫
行世惜有心而力弗逮因去春有發
六始祖之墓誌于瀘令公張聖符師
惓惓以得見吾泰伯公文集為念悉
具所以慨然捐助為之倡鰲何人斯

寧敢為之後爰藉手同族協力勸成
壽之梨棗一旦吾泰伯公之文章光
華復旦是果先靈之不昧歟抑賢與
賢相遇實令公之精神有以召之也
繇是編次如初無敢損益特列以族
里匪煩贅也迺明支分派別之有本

源表以文獻匪飾盛也迺明承先啓

後之有淵流然吾家秉家學正于此

窺見一班云猶念藉以不朽者文章

而賴以追遠者祀事既勅葬勅祭代

有加禮致墓堂風雨不蔽誰為之孫

子不肖益忍乎哉謀所以重報之時

輸資輸力響應雲集較昔之顏焉瓦礫者今則峩然維新矣一舉而二美具焉不惟燕翼有光祖靈實憑依之盖不肖不辭拮据之勞而手澤攸存俎豆攸馨敢曰表章攸屬哉亦僅守先之爲孜孜若夫莫爲之前雖盛弗

傳莫為之後雖美弗彰是所望于繼
起之孝子慈孫後之視今猶今之視
昔焉耳併引言以為之誌

肯

康熙乙巳年季秋月後裔化鰲習拜

書于少室含靈堂



李泰伯先生文集敘

天下之不朽者文章與氣節而已
文非品不貴人非文不傳人與文
堪傳而壽之梨棗重以彝鼎皆所
以誌勿諛焉猶慮有遺嫩也則又

爲之馨香俎豆以永之若其間升
沉絕續或存或亡則氣運爲之也
是在表章世業者式先民之典型
服高曾之規矩使文無匿采韻有
遺音裒足尚爾余守建武有年吊

古先哲泰伯先生爲宋大儒秉姑
鬻之清淑萃盱水之精靈胸羅今
古博洽五經范文正公薦以著書
立言有孟軻楊雄之風召爲太學
博士羽翼先正蔚爲儒宗退而講

學章教從遊者賢才輩出濟美一
時攷其著作論策傳記圖序詩銘
諸書洵足媲美昌黎嗣徽永叔唐
宋大家之風賴以長存且介氣孤
情出處一致百世之下聞其風而

高其德行不啻價比南金允同琬琰已滄桑世變兵革繁興煨燼之餘求先生之剩簡殘編不可得嗟乎世之頌泐者咸推盱江人文之一席與濂洛關閩之諸賢鼓吹而


頡頏者允率遂不復且哉茲後昆
諸生化鰲駿聲等發皇祖德補先
人未墜之緒而思彰明之搜緝遺
文重付剗劂風流文采猶有足觀
而流水高山清微其未遠矣乞言

於余是亦斯文絕續疑信所關也
予嘉兩生之志繼序肇修持此以
往先生之榮聞益振振有孚於永
世佩玉有心書紳如在敬忘其禱
昧而爲之序

康熙四年乙巳仲秋

高天爵

題



然余甚亦謀文辭辭疑奇而關也

李泰伯先生文集敘

宋之天聖景祐蓋常治矣非獨其
君相賢也其下之學士君子草茅
誦讀亦能留心世務原本經術著
爲一家之言以冀用于天下而一